

MINISTARSTVO FINANSIJA

567.

Na osnovu člana 67. stav 3. i člana 68. stav 2. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj: 35/05) i člana 3. Odluke o uvođenju metodologije za izradu Budžeta za građane u Zeničko-dobojskom kantonu („Službene novine Zeničko-dobojskog kantona“, broj: 4/16), Ministar Ministarstva finansija Zeničko-dobojskog kantona, d o n o s i

U P U T S T V O

o načinu postupanja i rada kantonalnih organa uprave u postupku pripreme i izrade Budžeta za građane Zeničko-dobojskog kantona

Član 1.**(Predmet)**

- (1) Ovim uputstvom uređuje se način postupanja i rada kantonalnih organa uprave, upravnih organizacija i službi Zeničko-dobojskog kantona (u daljem tekstu: kantonalni organi uprave), u postupku pripreme i izrade Budžeta za građane Zeničko-dobojskog kantona i međusobna saradnju kantonalnih organa uprave u realizaciji navedenih aktivnosti.
- (2) Budžet za građane je dokument koji se izrađuje svake godine na osnovu konsultacija sa građanima i drugim subjektima u postupku izrade Budžeta Zeničko-dobojskog kantona.

Član 2.

(Planiranje i provođenje konsultacija sa građanima i drugim subjektima)

U postupku izrade Budžeta za građane kantonalni organi uprave, koji u svome budžetu imaju planirana sredstva za tekuće transfere i subvencije pojedincima, udruženjima građana, privrednim subjektima, te drugim nivoima vlasti ili imaju saradnju sa nevladinim organizacijama, obavezni su provesti konsultacije sa građanima i drugim subjektima, te obraditi i analizirati rezultate konsultacija.

Član 3.

(Način provođenja konsultacija sa građanima i drugim subjektima)

Kantonalni organi uprave iz člana 2. ovog uputstva, konsultacije sa građanima i drugim subjektima će provesti putem anketa pripremljenih za korisnike sredstava iz

njihovog dijela budžeta i organizovanjem fokus grupa sa predstavnicima pojedinih korisnika, a na osnovu preliminarnih rezultata provedenih anketa.

Član 4.**(Okvirna struktura ankete)**

U provođenju ispitivanja stavova građana i drugih subjekata u vezi sa budućim sadržajem Budžeta za građane, potrebno je imati u vidu:

- a) informacije o prihodima (utvrđivanje stavova o predstavljanju prihoda za koje su građani najzainteresovaniji),
- b) informacije o rashodima (utvrđivanje stavova o predstavljanju rashoda za koje su građani najzainteresovaniji),
- c) prioritete u raspodjeli i potrošnji (utvrđivanje najvažnijih budžetskih rashoda koje građani žele da budu predstavljeni u dokumentu Budžeta za građane),
- d) sektorske podatke i informacije o ciljanim programima (utvrđivanje najvažnijih funkcija, tj. sektora u okviru nadležnosti Kantona u okviru kojih građani žele da saznaju više o ciljanim programima, odnosno projektima).

Član 5.**(Dostava rezultata anketa i konsultacija)**

Obradene rezultate anketa i konsultacija, kantonalni organi uprave iz člana 2. ovog uputstva, dužni su dostaviti Ministarstvu finansija najkasnije do 30.11. tekuće budžetske godine radi izrade Budžeta za građane za narednu godinu.

Član 6.**(Izgled Budžeta za građane)**

- (1) U pogledu izgleda i sadržaja, svaki naredni Budžet za građane može sadržavati i eventualne dodatne elemente, u skladu sa rezultatima provedenih konsultacija sa građanima o informacijama za koje građani žele da budu sadržaj Budžeta za građane.
- (2) Kreiranje Nacrta Budžeta za građane, pisanog jednostavnim i razumljivim jezikom za građane, sa adekvatnim ilustracijama, vrši se nakon utvrđivanja Nacrta Budžeta Zeničko-dobojskog kantona za narednu godinu, animiranjem građana za učešće u javnoj raspravi o Nacrtu Budžeta.

Član 7.**(Izrada konačnog dokumenta Budžeta za građane)**

- (1) Konačan dokument Budžeta za građane izrađuje se nakon donošenja Budžeta Zeničko-dobojskog kantona.
- (2) Konačan dokument Budžeta za građane izrađuje Ministarstvo finansija Zeničko-dobojskog kantona, u skladu sa sredstvima planiranim za navedenu namjenu.

Član 8.**(Provođenje Uputstva)**

Za provođenje ovog uputstva zadužuju se kantonalni organi uprave iz člana 2. ovog uputstva i Ministarstvo finansija Zeničko-dobojskog kantona.

Član 9.**(Objavljivanje Budžeta za građane i distribucija)**

Objavljivanje Budžeta za građane vršit će se putem web stranice Zeničko-dobojskog kantona, štampanjem brošura i distribucijom brošura odgovarajućim korisnicima.

Član 10.**(Stupanje na snagu)**

Ovo uputstvo stupa na snagu danom donošenja, a objavit će se u „Službenim novinama Zeničko-dobojskog kantona“ i na web stranici Vlade Zeničko-dobojskog kantona.

Broj: 07-14-6325-2-1/16
Datum, 08.11.2016. godine
Zenica

MINISTAR**Andrej Kajić, s.r.**

**MINISTARSTVO ZA RAD,
SOCIJALNU POLITIKU I IZBJEGLICE**

568.

Ministarstvo za rad, socijalnu politiku i izbjeglice Zeničko-dobojskog kantona, u postupku utvrđivanja reprezentativnosti Samostalnog sindikata osnovnog obrazovanja i odgoja Federacije Bosne i Hercegovine-Kantonalni odbor SSOOIO Zeničko-dobojskog kantona, a rješavajući po zahtjevu Samostalnog sindikata osnovnog obrazovanja i odgoja Federacije Bosne i Hercegovine - Kantonalni odbor SSOOIO Zeničko-dobojskog kantona, na adresi Fra Ivana Jukića 1/II, Zenica, na osnovu člana 130. stav (4) Zakona o radu (“Službene novine Federacije Bosne i Hercegovine”, broj: 26/16) i člana 200. stav (1) Zakona o upravnom postupku (“Službene novine Federacije BiH” broj: 2/98 i 43/99), d o n o s i

R J E Š E N J E**o utvrđivanju reprezentativnosti Sindikata u području djelatnosti osnovnog obrazovanja i odgoja na području Zeničko-dobojskog kantona**

1. Utvrđuje se da je Samostalni sindikat osnovnog obrazovanja i odgoja Federacije Bosne i Hercegovine - Kantonalni odbor SSOOIO Zeničko-dobojskog kantona, kao organizacioni dio Samostalnog sindikata osnovnog obrazovanja i odgoja Federacije Bosne i Hercegovine, reprezentativni sindikat u području djelatnosti osnovnog obrazovanja i odgoja na području Zeničko-dobojskog kantona.
2. Ovo Rješenje objavit će se u „Službenim novinama Zeničko-dobojskog kantona.

O b r a z l o ž e n j e

Samostalni sindikat osnovnog obrazovanja i odgoja Federacije Bosne i Hercegovine -Kantonalni odbor SSOOIO Zeničko-dobojskog kantona obratio se Ministarstvu za rad, socijalnu politiku i izbjeglice Zeničko-dobojskog kantona zahtjevom broj: 829-09/16 od 03.10.2016. godine za utvrđivanjem reprezentativnosti sindikata u području djelatnosti na području Zeničko-dobojskog kantona.

Uz zahtjev je priložena sljedeća dokumentacija:

1. Potvrda Samostalnog sindikata osnovnog obrazovanja i odgoja Federacije Bosne i Hercegovine broj: 01-1234/16 od 03.10.2016. godine kojom se potvrđuje da je Samostalni sindikat osnovnog obrazovanja i odgoja Federacije Bosne i Hercegovine -Kantonalni odbor SSOOIO Zeničko-dobojskog kantona organizacioni dio Samostalnog sindikata osnovnog obrazovanja i odgoja Federacije Bosne i Hercegovine,
2. Uvjerenje o poreznoj registraciji Samostalnog sindikata osnovnog obrazovanja i odgoja Federacije Bosne i Hercegovine -Kantonalni odbor SSOOIO Zeničko-dobojskog kantona izdato od Kantonalnog poreznog ureda Sarajevo od 08.04.2013. godine;
3. Rješenja Federalnog ministarstva pravde broj: 03-05-2-1659/12 od 29.01.2013. godine, broj 03-05-2-1659/12 od 18.03.2013. godine, broj: 03-05-2-1659/12 od 07.01.2014. godine i broj: UP I 03-34/13-11/15 od